

Na osnovu člana 252. tačka 26), a u vezi sa članom 179. stav (4) Zakona o osnovama sigurnosti saobraćaja na cestama u Bosni i Hercegovini („Službeni glasnik BiH“, br. 6/06, 75/06, 44/07, 84/09, 48/10, 18/13, 8/17, 89/17 i 9/18), ministar komunikacija i prometa, u saradnji sa organima nadležnim za obrazovanje, donosi

**PRAVILNIK
O NAČINU I UVJETIMA ORGANIZIRANJA ISPITA
ZA VOZAČA MOTORNIH VOZILA**

I. OPĆE ODREDBE

**Član 1.
(Predmet)**

Ovim Pravilnikom propisuje se način i uvjeti organiziranja i provođenja ispita za vozača motornih vozila i opći principi kontrole.

**Član 2.
(Nadležnost)**

Za poslove organiziranja, provođenja i kontrole ispita za vozača motornih vozila odgovorni su organi entiteta, kantona i Brčko distrikta Bosne i Hercegovine, nadležni za obrazovanje (u daljnjem tekstu: nadležni organ).

**Član 3.
(Rodna ravnopravnost izraza koji se koriste)**

Izrazi korišteni u ovom Pravilniku, a koji su radi preglednosti dati u jednom gramatičkom rodu, bez diskriminacije se odnose i na muškarce i na žene.

II. ISPIT ZA VOZAČA MOTORNOG VOZILA

**Član 4.
(Ispitne oblasti)**

(1) Ispit za vozača motornog vozila (u daljnjem tekstu: ispit), polaže se iz sljedećih oblasti:

- a) poznavanje pružanja prve pomoći (u daljnjem tekstu: prva pomoć),
- b) poznavanje propisa o sigurnosti saobraćaja na cestama, sa osnovama poznavanja motornih i priključnih vozila (u daljnjem tekstu: poznavanje propisa), i
- c) upravljanje motornim vozilom.

(2) Ispit iz prve pomoći polaže se za kategoriju/potkategoriju: A, A1, B, B1 ili C1.

(3) Kandidat koji položi ispit iz prve pomoći za jednu od kategorija/potkategorija iz stava (2) ovog člana smatra se da ima položen ispit iz prve pomoći za sve ostale kategorije i potkategorije.

- (4) Ispit iz poznavanja propisa polaže se za kategoriju/potkategoriju: A, A1, B, B1, C, C1, D i D1, te za moped, traktor, radnu mašinu i motokultivator.
- (5) Kandidat koji položi ispit iz poznavanja propisa za:
- potkategoriju A1 ne polaže ispit iz poznavanja propisa za potkategoriju B1,
 - potkategoriju B1 ne polaže ispit iz poznavanja propisa za potkategoriju A1,
 - kategoriju A ne polaže ispit iz poznavanja propisa za kategoriju B i BE,
 - kategoriju B ne polaže ispit iz poznavanja propisa za kategoriju A i BE,
 - potkategoriju C1 ne polaže ispit iz poznavanja propisa za kategoriju/potkategoriju: A, A1, B, B1, BE, C, C1E i CE,
 - kategoriju C ne polaže ispit iz poznavanja propisa za kategoriju/potkategoriju: A, A1, B, B1, BE, C1, C1E i CE,
 - potkategoriju D1 ne polaže ispit iz poznavanja propisa za kategoriju/potkategoriju: D, DE i D1E, i
 - kategoriju D ne polaže ispit iz poznavanja propisa za za kategoriju/potkategoriju: DE, D1 i D1E.
- (6) Ispit iz upravljanja motornim vozilom polaže se posebno za sve kategorije/potkategorije ukoliko Zakonom o osnovama sigurnosti saobraćaja na cestama u Bosni i Hercegovini (u daljem tekstu: Zakon) nije drugačije propisano.

Član 5. (Organiziranje ispita)

- Nadležni organ rješenjem imenuje jednu ili više komisija za polaganje ispita (u daljnjem tekstu: komisija).
- Ispit se ne organizuje u dane praznika, nedjeljom i drugim danima u sedmici u vremenskom periodu između 20:00 i 06:00 sati narednog dana.
- Nadležni organ u skladu sa ovim Pravilnikom, bliže propisuje način provođenja ispita.

Član 6. (Prijava ispita)

- Prijavu za polaganje ispita (u daljnjem tekstu: prijava), kandidat podnosi nadležnom organu, u mjestu gdje ima prebivalište ili u mjestu gdje ima boravište duže od šest mjeseci, a strani državljanin odobreni boravak ne kraći od šest mjeseci.
- Kandidat koji je pristupio osposobljavanju iz poznavanja propisa o bezbjednosti saobraćaja na putevima i prve pomoći prije navršenih godina života propisanih Zakonom za sticanje prava upravljanja, za pojedine kategorije i podkategorije motornih vozila, može podnijeti prijavu iz poznavanja propisa o bezbjednosti saobraćaja na putevima i prve pomoći prije navršenih godina života propisanih Zakonom za sticanje prava upravljanja, za pojedine kategorije i podkategorije motornih vozila.
- Nadležni organ je dužan odrediti mjesto i vrijeme gdje se vrši predaja prijava.
- Prijava se podnosi na obrascu datom u Prilogu br. 1. i čini dio ovog Pravilnika.
- Kandidat, uz prijavu, prilaže sljedeće dokumente:
 - kopiju važećeg identifikacionog dokumenta uz obavezan uvid u original važećeg identifikacionog dokumenta,
 - uvjerenje o zdravstvenoj sposobnosti za upravljanje motornim vozilom ne starije od godinu dana,

- c) potvrdu o završenom osposobljavanju iz prve pomoći, osim u slučaju iz člana 4. stav (3) ovog pravilnika,
 - d) potvrdu o završenom osposobljavanju iz poznavanja propisa, osim u slučaju iz člana 4. stav (5) ovog pravilnika i
 - e) potvrdu o završenom osposobljavanju iz upravljanja motornim vozilom, ukoliko položen ispit iz prve pomoći ili poznavanja propisa nije preduslov za otpočinjanje osposobljavanja, kad se potvrda dostavlja naknadno, a prije ispita iz upravljanja motornim vozilom.
- (6) Strani državljanin uz dokumente iz stava (5) ovog člana prilaže i dokaz o odobrenom boravku.
- (7) Nadležni organ prihvata potvrdu iz stava (5) tačka d) i e) ovog člana izdatu od strane autoškole koja nije registrovana na području nadležnog organa gdje kandidat podnosi prijavu.
- (8) U slučaju iz stava (7) ovog člana nadležni organ je dužan po službenoj dužnosti da izvrši provjeru potvrda iz stava (5) tačka d) i e) ovog člana, ne dovodeći pri tome kandidata u nepovoljan položaj u odnosu na druge kandidate.
- (9) U slučaju kada kandidat posjeduje vozačku dozvolu B kategorije za upravljanjem motornim vozilom sa automatskim mjenjačem, odnosno ukoliko je u vozačkoj dozvoli u rubrici „Napomena“ upisan izraz „Automatski prenos“, kandidat prilikom podnošenja prijave iz upravljanja motornim vozilom B kategorije sa ručnim mjenjačem podnosi potvrdu o završenom osposobljavanju iz upravljanja motornim vozilom za kategoriju B sa ručnim mjenjačem.
- (10) Ukoliko je posjedovanje vozačke dozvole uvjet da se pristupi polaganju ispita za neku kategoriju/potkategoriju, kandidat uz dokumente iz stava (5) ovog člana kao dokaz prilaže i kopiju važeće vozačke dozvole izdate u Bosni i Hercegovini, uz obavezan uvid u istu, ili uvjerenje o položenom ispitu za vozača motornih vozila za kategoriju/podkategoriju koju posjeduje.
- (11) Izuzetno od stava (1) ovog člana, nadležni organ može odobriti polaganje ispita iz prve pomoći, ispita iz poznavanja propisa i ispita iz upravljanja motornom vozilom u mjestu u kojem je kandidat privremeno nastanjen zbog posla ili školovanja, a kandidat kao dokaz, uz prijavu dostavlja ugovor o radu ili potvrdu o školovanju.
- (12) Izuzetno od stava (1) ovog člana, nadležni organ može odobriti polaganje ispita iz upravljanja motornim vozilom izvan mjesta gdje kandidat ima prebivalište ili boravište duže od šest mjeseci, a strani državljanin odobreni boravak, u slučaju da u mjestu gdje kandidat podnosi prijavu za polaganje ispita iz upravljanja motornim vozilom određene kategorije ili potkategorije ne postoji ispitno mjesto ili auto-škola koja posjeduje odobrenje za osposobljavanje iz upravljanja motornim vozilom za tu kategoriju ili potkategoriju.
- (13) Vozač koji je u toku dvije godine od dana sticanja prava upravljanja motornim vozilom kategorije B sakupio četiri kaznena boda, odnosno kojem je u skladu s odredbama Zakona doneseno rješenje o oduzimanju i poništenju vozačke dozvole, ponovo polaže ispit iz oblasti iz člana (4) stav (1) ovog Pravilnika. Vozač podnosi prijavu na obrascu iz stava (1) ovog člana, a nadležni organ po službenoj dužnosti provjerava ispunjenost uslova u pogledu potvrda o završenom osposobljavanju iz stava (5) ovog člana.
- (14) Vozač kojem je u u roku od jedne godine zbog učinjenih prekršaja određeno najmanje deset kaznenih bodova na osnovu pravosnažnih konačnih i izvršnih prekršajnih naloga odnosno pravosnažnih sudskih rješenja, podnosi prijavu za polaganje ispita iz poznavanja propisa na obrascu datom u Prilogu br. 2. i čini dio ovog Pravilnika.

Član 7.
(Mjesto, datum i vrijeme polaganja ispita)

- (1) Nakon podnošenja prijave iz člana (6) ovog Pravilnika, nadležni organ utvrđuje da li kandidat ispunjava uvjete propisane Zakonom i ovim Pravilnikom.
- (2) Kada nadležni organ utvrdi da su ispunjeni uvjeti obavještava kandidata da dostavi dokaz o plaćenim troškovima za polaganje ispita.
- (3) Nadležni organ dužan je kandidatu koji ispunjava uvjete omogućiti polaganje ispita u roku ne dužem od 21 dana od dana prijema prijave.
- (4) Nadležni organ obavještava kandidata koji je dostavio dokaz iz stava (2) ovog člana, o mjestu, datumu i vremenu polaganja ispita najkasnije tri dana prije polaganja ispita, a putem službene internet stranice objavljuje raspored polaganja ispita iz prve pomoći, ispita iz poznavanja propisa i ispita iz upravljanja motornim vozilom.

Član 8.
(Nepristupanje i odustajanje od ispita)

- (1) Kandidat ima pravo jedanput, prije početka ispita odgoditi ispit i bez plaćanja nove naknade pristupiti polaganju ispita u novom terminu.
- (2) Kandidat nije položio ispit ukoliko odustane od već započetog ispita.

Član 9.
(Komisija)

- (1) Komisiju iz člana 5. ovog Pravilnika čine predsjednik, dovoljan broj ispitivača i sekretar. Jedan od ispitivača je ujedno i zamjenik predsjednika komisije. Komisija se imenuje, nakon provedenog javnog konkursa, na period od 4 (četiri) godine.
- (2) Za predsjednika komisije imenuje se diplomirani inženjer saobraćaja, drumski smjer (VII stepen stručne spreme, najmanje 240 ETSC bodova), koji posjeduje važeću licencu predavača teoretske nastave ili licencu za ispitivača teoretskog dijela ispita ili licencu za ispitivača iz upravljanja motornim vozilom, sa najmanje 10 godina radnog iskustva na poslovima bezbjednosti drumskog saobraćaja, nakon sticanja stručne spreme.
- (3) Za ispitivača iz prve pomoći imenuje se osoba koja ima važeću licencu ispitivača prve pomoći.
- (4) Za ispitivača iz poznavanja propisa imenuje se osoba koja ima važeću licencu za ispitivača teoretskog dijela ispita.
- (5) Za ispitivača iz upravljanja motornim vozilom imenuje se osoba koja ima važeću licencu za ispitivača iz upravljanja motornim vozilom određene kategorije/potkategorije.
- (6) Sekretar komisije može biti lice sa najmanje srednjom stručnom spremom i najmanje dvije godine radnog iskustva, te položenim stručnim ispitom za rad u organima uprave. Sekretar komisije je u stalnom radnom odnosu sa punim radnim vremenom.
- (7) Ispit iz prve pomoći, poznavanja propisa i iz upravljanja motornim vozilom obavlja po jedan ispitivač, ukoliko odredbama ovog Pravilnika nije drugačije određeno.
- (8) Ispit iz upravljanja motornim vozilom mogu obavljati dva ispitivača, ukoliko nadležni organ procijeni da je to opravdano.
- (9) U komisiju ne mogu biti imenovana lica:

- a) zaposlena ili angažirana u procesu osposobljavanja kandidata za vozača u Bosni i Hercegovini,
 - b) koja obavljaju bilo kakve druge poslove vezane za proces osposobljavanja u Bosni i Hercegovini, u pogledu vlasništva ili na drugi način povezanog djelovanja koji bi predstavljao sukob interesa,
 - c) zaposlena kod nadležnog organa, osim ukoliko je radno mjesto sistematizovano,
 - d) koja vrše nadzor nad provođenjem ovog Pravilnika,
 - e) koja su izgubila radnu ili zdravstvenu sposobnost,
 - f) koja su navršila 65 godina života,
 - g) koja nemaju važeću vozačku dozvolu izdatu u Bosni i Hercegovini,
 - h) koja nemaju važeću licencu izdatu od nadležnog organa entiteta, kantona i Brčko distrikta Bosne i Hercegovine.
- (10) Ispitivač iz st. (4) i (5) ovog člana ne može biti zaposlen u organu uprave na bilo kom nivou vlasti.

Član 10. **(Obaveze članova Komisije)**

- (1) Članovi komisije su dužni da ispite sprovede stručno i u skladu sa Zakonom i ovim Pravilnikom.
- (2) Ispitivači su dužni prije početka ispita da se predstave kandidatima i da za vrijeme trajanja ispita imaju jasno istaknut važeći identifikacioni dokument izdat od strane nadležnog organa.
- (3) Ispitivači su dužni da se prema kandidatima, zaposlenima u autoškoli i međusobno odnose u skladu sa etičkim i drugim normama ponašanja.
- (4) Za vrijeme trajanja ispita ispitivači ne smiju biti pod utjecajem opojnih droga ili alkohola, ne smiju upotrebljavati mobilni telefon niti druge uređaje koji umanjuju pažnju i koncentraciju kandidata, ne smiju pušiti u prostoru za polaganje ispita ili u vozilu, razgovarati sa kandidatom i instruktorom vožnje u toku trajanja ispita, osim u dijelu koji se odnosi na izdavanje uputstava kandidatu za vrijeme trajanja ispita.
- (5) Nadležni organ donosi kodeks kojim se bliže uređuje postupanje kandidata, instruktora vožnje i ispitivača u procesu sprovođenja ispita, uključujući i ponašanje na ispitu i isti objavljuje na službenoj internet stranici.
- (6) Predsjednik komisije organizuje rad komisije, stara se o ispunjenosti uslova za nesmetan rad komisije, održava sastanke sa članovima komisije u cilju unaprjeđenja rada, daje uputstva članovima komisije kojima se otklanjaju eventualno uočeni nedostaci u radu komisije, te podnosi mjesečne izvještaje o radu komisije nadležnom organu.
- (7) Predsjednik komisije angažuje člana komisije po ukazanoj potrebi.
- (8) Član komisije je dužan izvijestiti predsjednika komisije o mogućem sukobu interesa u pogledu kandidata kojeg je određen da ispituje, o čemu odlučuje predsjednik komisije najkasnije do početka ispita.
- (9) Nadležni organ razrješava dužnosti člana komisije za koga se utvrdi postupanje suprotno odredbama ovog Pravilnika i kodeksa iz stava (5) ovog člana na prijedlog predsjednika komisije, kao i sekretara komisije koji dobije negativnu ocjenu rada dva puta uzastopno od predsjednika komisije, nakon što je potvrdi nadležni organ.

- (10) Sekretar komisije je odgovoran za rad komisije po zaprimljenim prijavama za polaganje ispita i organizaciju ispita, a o svom radu podnosi mjesečni izvještaj predsjedniku komisije.

Član 11.
(Zapisnik)

- (1) O polaganju ispita vodi se zapisnik koji sadrži: redni broj registra, ime i prezime kandidata, dan, mjesec i godinu polaganja ispita, broj testa, broj ostvarenih bodova, informaciju o korištenju novog testovnog lista, greške koje je kandidat napravio iz prve pomoći i poznavanja propisa, te ocjenu na ispitu.
- (2) Zapisnik potpisuju ispitivači koji su sprovodili ispit.
- (3) Izgled i sadržaj zapisnika dat je u Prilogu br.3. i čini dio ovog Pravilnika.

Član 12.
(Katalog testovnih pitanja)

- (1) Katalog testovnih pitanja sadrži pitanja razvrstana u četiri oblasti, i to:
 - (1) Oblast I-Teoretska pitanja,
 - (2) Oblast II-Znakovi,
 - (3) Oblast III-Raskrsnice i
 - (4) Oblast IV-Prva pomoć.
- (2) Testove za polaganje ispita iz prve pomoći i iz poznavanja propisa formira nadležni organ elektronskim putem, na osnovu pitanja iz Kataloga testovnih pitanja za odgovarajuću kategoriju/podkategoriju za koju kandidat polaže ispit.
- (3) Pitanja iz Oblasti I mogu se koristiti samo za onu kategoriju/podkategoriju koja je naznačena u Katalogu testovnih pitanja, dok se pitanja iz Oblasti II i Oblasti III odnose na sve kategorije/podkategorije.
- (4) Tačni odgovori na pitanja iz Oblasti I vrijednuju se sa dva boda, iz Oblasti II sa tri boda, iz oblasti III sa pet bodova, a iz Oblasti IV sa jednim bodom.
- (5) Ukoliko je u međuvremenu nastupila izmjera propisa kojima se uređuje bezbjednost saobraćaja na putevima, nadležni organ, do izmjene Kataloga, prilikom ispita ne koristi pitanja koja, usljed izmjena, imaju netačne odgovore.

Član 13.
(Ispit iz prve pomoći i poznavanja propisa)

- (1) Prije početka ispita iz prve pomoći i ispita iz poznavanja propisa, ispitivač/i utvrđuju identitet kandidata na osnovu uvida u važeći identifikacioni dokument, te daju detaljno uputstvo o načinu rješavanja testa i drugim uvjetima na ispitu.
- (2) Obaveza je ispitivača da ispit iz prve pomoći i poznavanja propisa započne u zakazano vrijeme.
- (3) Ispit iz prve pomoći i poznavanja propisa neće početi ukoliko je kandidat pod utjecajem alkohola, opojnih droga i lijekova, umoran, bolestan ili takvog psihofizičkog stanja da nije sposoban samostalno rješavati ispit iz prve pomoći i poznavanja propisa.

- (4) Ukoliko ispitivač ne može započeti ispit iz prve pomoći i poznavanja propisa u zakazano vrijeme ili ukoliko prekine sprovođenje ispita iz prve pomoći i poznavanja propisa dužan je o tome odmah obavijestiti predsjednika komisije.
- (5) Prije početka ispita iz prve pomoći i poznavanja propisa ispitivač se predstavlja kandidatima, raspoređuje kandidate za nesmetano i samostalno rješavanje testa, saopćava način rješavanja testa, vrijeme trajanja ispita iz prve pomoći i poznavanja propisa, te iz prostorije za polaganje ispita iz prve pomoći i poznavanja propisa udaljava sva lica koja ne polažu ispit iz prve pomoći ili poznavanja propisa i nisu članovi komisije, osim lica nadležnih za kontrolu.
- (6) Ispit iz prve pomoći i poznavanja propisa polaže se rješavanjem pitanja korištenjem računara. Tačni odgovori u testu su vrednovani određenim brojem bodova, zavisno iz koje je oblasti postavljeno pitanje. Test za polaganje ispita iz prve pomoći sadrži pitanja sa više ponuđenih odgovora od kojih je samo jedan tačan. Test za polaganje ispita iz poznavanja propisa sadrži pitanja sa više ponuđenih odgovora od kojih je jedan ili više tačnih.
- (7) Za vrijeme trajanja ispita iz prve pomoći i poznavanja propisa iz stava (6) ovog člana, kandidat na stolu može imati samo važeći identifikacioni dokument i naočare.
- (8) Po završetku ispita iz prve pomoći i poznavanja propisa iz stava (6) ovog člana ispitivač potpisuje Zapisnik iz člana 11. ovog Pravilnika odštampan putem informacionog sistema, za svakog kandidata pojedinačno.
- (9) Ukoliko nisu osigurani uslovi iz stava (6) ovog člana, a najduže do 31.12.2021.godine, ispit iz prve pomoći i poznavanja propisa se polaže rješavanjem pitanja iz dodijeljenog testa pisanim putem unoseći tačne odgovore u testovni list. Ispit iz poznavanja propisa provode dva ispitivača.
- (10) U slučaju provođenja ispita iz prve pomoći i poznavanja propisa iz stava (9) ovog člana kandidat na stolu može imati samo važeći identifikacioni dokument, sredstvo za pisanje i naočare.
- (11) Kandidat za vrijeme trajanja ispita iz prve pomoći i poznavanja propisa iz stava (9) ovog člana ne može na testovnom listu vršiti bilo kakve ispravke, a u slučaju potrebe, na zahtjev kandidata, daje se novi testovni list, što se konstatira u zapisniku iz člana 11. ovog Pravilnika. Kandidat ima pravo na zamjenski novi testovni list, a po završetku ispita iz prve pomoći i poznavanja propisa predaje sve testovne listove.
- (12) Nakon završetka ispita iz prve pomoći i poznavanja propisa iz stava (9) ovog člana ispitivači vrše pregled testovnog lista i na osnovu ponuđenih tačnih odgovora utvrđuju broj ostvarenih bodova, te vrše vrednovanje ispita, odnosno ocjenjivanje kandidata. Podatke o broju testa, ostvarenim bodovima, zamjenskom novom testovnom listu i ocjeni kandidata unose u Zapisnik iz člana 11. ovog Pravilnika i potpisuju Zapisnik za svakog kandidata pojedinačno.

Član 14.

(Trajanje i ocjena ispita iz prve pomoći i poznavanja propisa)

- (1) Trajanje ispita iz prve pomoći i poznavanja propisa i formiranje testova obavlja se prema slijedećem:

Kategorije/ podkategorije za koje kandidat polože ispit	Broj pitanja po oblastima iz Kataloga testovnih pitanja					Vrijeme trajanja ispita	Broj bodova i vrednovanje testa	
	Oblast I	Oblast II	Oblast III	Oblast IV	Ukupno pitanja na testu		Ukupan broj mogućih bodova	Minimalan broj bodova koje kandidat mora ostvariti
A, A1 B, B1	20	10	10	10	40+10*	50 +20* min	120+10*	108+8*
C, C1, D1 i D	30	10	10	10	50+10*	60 +20* min	140+10*	126+8*
Moped	10	10	10	-	30	40 min	100	90
Traktor, radna mašina i motokultivator	10	5	5	-	20	30 min	60	50

*Ispit iz prve pomoći, ukoliko isti nije položen.

- (2) Kandidat je položio ispit iz prve pomoći i poznavanja propisa ukoliko je na osnovu tačnih odgovora ostvario minimalan broj bodova od ukupnog broja mogućih bodova.
- (3) Ocjenjivanje kandidata vrši se ocjenom "položio" ili "nije položio".
- (4) Kandidatu koji ne položi ispit iz prve pomoći i iz poznavanja propisa, po završetku ispita se saopćavaju greške koje je napravio i daje se na uvid test sa pojašnjenjima ispitivača.

Član 15.

(Ometanje ispita, udaljavanje i prekid ispita iz prve pomoći i poznavanja propisa)

- (1) Ispitivač udaljava sa ispita kandidata i smatra se da kandidat nije položio ispit iz prve pomoći i/ili poznavanja propisa ukoliko kandidat:
- postupa suprotno kodeksu iz člana 10. ovog Pravilnika,
 - oštećuje imovinu ili materijalna dobra,
 - koristi udžbenik, bilješke i nedopuštena tehnička sredstva,
 - na drugi način ometa ispit iz prve pomoći i poznavanja propisa.
- (2) U slučaju iz stava (1) ovog člana nadležni organ, na prijedlog predsjednika komisije, donosi rješenje kojim se kandidatu zabranjuje polaganje ispita iz prve pomoći i/ili poznavanja propisa u trajanju od dva mjeseca, a u ponovljenom slučaju u trajanju od šest mjeseci.

Član 16.

(Uvjerenje o položenom ispitu iz prve pomoći i iz poznavanja propisa)

- (1) O položenom ispitu iz prve pomoći, nadležni organ kandidatu izdaje uvjerenje na obrascu koji je dat u Prilogu br. 4. i čini dio ovog Pravilnika.
- (2) O položenom ispitu iz poznavanja propisa nadležni organ kandidatu izdaje uvjerenje na obrascu koji je dat u Prilogu br. 5. i čini dio ovog Pravilnika.

- (3) Izuzetno od odredbi stava (2) ovog člana, o položenom ispitu iz poznavanja propisa za moped ili traktor, radnu mašinu i motokultivator, nadležni organ kandidatu izdaje potvrdu na obrascu koji je dat u Prilogu br. 6. i čini dio ovog Pravilnika.
- (4) U slučaju gubitka uvjerenja iz st. (1) i (2) ovog člana i potvrde iz stava (3) ovog člana kandidat je dužan oglasiti uvjerenje/potvrdu nevažećim. Na zahtijev kandidata, nadležni organ koji vodi evidencije u skladu sa članom 31. ovog Pravilnika izdaje novo uvjerenje, odnosno potvrdu.

Član 17.

(Ispit iz upravljanja motornim vozilom)

- (1) Kandidat može pristupiti polaganju ispita iz upravljanja motornim vozilom nakon položenog ispita iz prve pomoći i poznavanja propisa i nakon dostavljanja potvrde iz člana 6. stav (4) tačka e) o završenom osposobljavanju iz upravljanja motornim vozilom.
- (2) Ako Ukoliko kandidat u roku od godinu dana od dana polaganja ispita iz poznavanja propisa nije položio ispit iz upravljanja motornim vozilom, dužan je ponovo polagati ispit iz poznavanja propisa.
- (3) Ispitivač prije početka ispita iz upravljanja motornim vozilom utvrđuje ispunjenost uvjeta za sprovođenje ispita iz člana 19. ovog Pravilnika, te ispunjenost uvjeta za vozilo na kojem se provodi ispit iz upravljanja motornim vozilom.
- (4) Nadležni organ i po službenoj dužnosti brine o ispunjenju uvjeta koji se odnose na vozilo autoškole i instruktora vožnje angažovanog na ispitu od strane kandidata.

Član 18.

(Broj kandidata koji polažu ispit iz upravljanja motornim vozilom)

- (1) Tokom jednog dana ispitivač iz upravljanja motornim vozilom može obaviti ispit iz upravljanja motornim vozilom najviše:
 - a) 8 kandidata za kategoriju/ potkategoriju: A, B, BE, A1, B1, ili
 - b) 6 kandidata za kategoriju/ potkategoriju: C, CE, C1, C1E, ili
 - c) 6 kandidata za kategoriju/ potkategoriju: D, DE, D1, D1E, ili
 - d) 8 kandidata različitih kategorija/podkategorija.
- (2) Odredbe iz stava (1) ovog člana primjenjuju se i na instruktora vožnje koji je angažovan na ispitu iz upravljanja motornim vozilom.

Član 19.

(Uvjeti u kojima se obavlja ispit iz upravljanja motornim vozilom)

- (1) Ispit iz upravljanja motornim vozilom se obavlja u vozilu autoškole koja je navedena u prijavi, ili naknadno angažovana od strane kandidata, što se evidentira u Zapisniku.
- (2) Ispit iz upravljanja motornim vozilom neće početi ako se za kandidata ili instruktora vožnje opravdano posumnja da je pod utjecajem alkohola, opojnih droga ili lijekova koji se ne smiju upotrebljavati prije ili za vrijeme vožnje, umoran, bolestan ili takvog psihofizičkog stanja da nije sposoban sigurno upravljati motornim vozilom ili ukoliko sprovođenje ispita ometa neka druga osoba, o čemu ispitivač odmah obavještava predsjednika komisije.

- (3) U slučaju iz stava (2) ovog člana, smatra se da kandidat nije pristupio ispitu iz upravljanja motornim vozilom.
- (4) U slučaju postojanja nepovoljnih vremenskih uslova (kiša, snijeg, led, vjetar i dr.), ispitivač može donijeti odluku da nema uslova za provođenje ispita odnosno o prekidu ispita.
- (5) U slučaju donošenja odluke iz stava (4) ovog člana nadležni organ će dozvoliti kandidatu da bez plaćanja nove naknade pristupi polaganju ispita iz upravljanja motornim vozilom u novom terminu.

Član 20.

(Greške na ispitu iz upravljanja motornim vozilom)

- (1) Na početku ispita iz upravljanja motornim vozilom, ispitivač daje jasna uputstva o načinu sprovođenja ispita iz upravljanja motornim vozilom, u toku trajanja ispita daje kandidatu blagovremena, jasna i nedvosmislena uputstva, bez ikakvih dodatnih komentara i namjernog navođenja na grešku.
- (2) Pod greškom kandidata podrazumijevaju se radnje i postupci kandidata koje odstupaju od radnji i postupaka propisanih Zakonom, ovim Pravilnikom i drugim propisima iz oblasti sigurnosti saobraćaja, a koje su navedene u Obrazcu ocjenjivanja iz upravljanja u Prilogu br. 3. ovog Pravilnika.
- (3) Na ispitu iz upravljanja motornim vozilom ispitivač je dužan evidentirati i unijeti u Obrazac ocjenjivanja iz upravljanja sve greške koje je kandidat počinio na ispitu odmah nakon utvrđene greške.
- (4) Nakon završetka ispita iz upravljanja motornim vozilom, ispitivač vrši vrednovanje ispita.
- (5) Ispit iz upravljanja motornim vozilom se vrijednuje tako što se broj bodova za evidentirane greške sumira za odgovarajuću kategoriju/podkategoriju za koju kandidat polaže ispit.
- (6) Kandidat je položio ispit iz upravljanja motornim vozilom ukoliko nakon vrijednovanja ima manje od 100 bodova.
- (7) U slučaju kad ispit iz upravljanja motornim vozilom sprovode dva ispitivača, greške evidentiraju oba ispitivača na posebnim obrascima, a vrijednovanje u skladu sa stavom (4) ovog člana se vrši posebno za svaki od obrazaca, a kandidat je položio ispit ako svaki od ispitivača na obrascu evidentira manje od 100 bodova.
Kandidatu koji, nakon vrednovanja, nije položio ispit iz upravljanja motornim vozilom saopćavaju se greške koje je napravio u toku trajanja ispita iz upravljanja motornim vozilom.

Član 21.

(Tok ispita iz upravljanja motornim vozilom)

- (1) Tokom trajanja ispita iz upravljanja motornim vozilom ispitivač utvrđuje da li je kandidat stekao minimum znanja i vještina za sigurno i samostalno upravljanje motornim vozilom u saobraćaju.
- (2) Za vrijeme trajanja ispita iz upravljanja motornim vozilom, u vozilu se nalazi kandidat koji upravlja vozilom i ispitivač/i.
- (3) Za vrijeme trajanja ispita iz upravljanja motornim vozilom, u vozilu se nalazi i instruktor vožnje koji je odgovaran za bezbjedno učestvovanje u saobraćaju, na sjedištu sa kojeg ima pristup duplim komandama, koji ne utječe na obavljanje radnji kandidata, osim u slučaju ugrožavanja sigurnosti saobraćaja.

- (4) Instruktor vožnje ima pravo nalaziti se u vozilu za vrijeme trajanja ispita iz upravljanja motornim vozilom samo onih kategorija i potkategorija koje su upisane u dozvoli instruktora vožnje, te da se prema njemu ne primjenjuje zaštitna mjera zabrane upravljanja motornim vozilom.
- (5) O ispunjenosti uvjeta za instruktora vožnje iz stava (4) ovog člana, brine nadležni organ po službenoj dužnosti.
- (6) Ispitivač će prekinuti ispit i smatra se da kandidat nije položio ispit iz upravljanja motornim vozilom ukoliko kandidat postupa suprotno kodeksu iz člana 10. ovog Pravilnika.
- (7) U slučaju iz stava (6) ovog člana nadležni organ, na prijedlog predsjednika komisije, donosi rješenje kojim se kandidatu zabranjuje polaganje ispita iz upravljanja motornim vozilom u trajanju od dva mjeseca, a u ponovljenom slučaju u trajanju od šest mjeseci.
- (8) Ukoliko instruktor vožnje na bilo koji način ometa rad kandidata ili ispitivača ili postupa suprotno kodeksu iz člana 10. ovog Pravilnika, ispitivač prekida ispit i o tome odmah obavještava predsjednika komisije, sačinjava zabilješku i smatra se da kandidat nije položio ispit iz upravljanja motornim vozilom. Nadležni organ, na prijedlog predsjednika komisije, donosi rješenje kojim se instruktoru vožnje zabranjuje prisustvo ispitu u trajanju od dva mjeseca, a u ponovljenom slučaju u trajanju od šest mjeseci.
- (9) Ukoliko u toku trajanja ispita iz upravljanja motornim vozilom nastane kvar na vozilu, koji nije nastao propustom kandidata, nadležni organ će dozvoliti kandidatu da bez plaćanja nove naknade pristupi polaganju ispita iz upravljanja motornim vozilom u novom terminu.

Član 22.

(Trajanje ispita iz upravljanja motornim vozilom i uvjerenje o položenom ispitu)

- (1) Vrijeme trajanja ispita iz upravljanja motornim vozilom za kategorije/podkategorije A, A1, B i B1 je najmanje 30 minuta, a za ostale kategorije/podkategorije je najmanje 45 minuta.
- (2) Nadležni organ se, putem sekretara komisije, stara po službenoj dužnosti da kandidat nakon svakog neuspješnog polaganja ispita iz upravljanja motornim vozilom sljedeći ispit iz upravljanja motornim vozilom ne polaže kod ispitivača kod kog prethodni put ispit iz upravljanja motornim vozilom nije položio.
- (3) Kandidat koji nakon četiri polaganja ne položi ispit iz upravljanja motornim vozilom, svaki sljedeći put ispitivanje kandidata iz upravljanja motornim vozilom sprovode dva ispitivača.
- (4) U slučaju iz stava (3) ovog člana prilikom polaganja ispita iz upravljanja motornim vozilom za kategoriju/podkategoriju C, C1, CE i C1E jedan ispitivač se nalazi u vozilu sa kandidatom, a drugi ispitivač u drugom vozilu koje prati vožnju kandidata i koje obezbjeđuje kandidat.
- (5) Kandidat koji ne položi ispit iz upravljanja motornim vozilom nakon petog i svakog sljedećeg polaganja, dužan je prisustvovati dodatnom osposobljavanju iz upravljanja motornim vozilom u trajanju od četiri nastavna sata o čemu auto-škola izdaje potvrdu. Kandidat potvrdu o dodatnom osposobljavanju dostavlja nadležnom organu prilikom podnošenja prijave za polaganje ispita iz upravljanja motornim vozilom. O položenom ispitu iz upravljanja motornim vozilom nadležni organ kandidatu izdaje uvjerenje na obrascu koji je dat u Prilogu br. 7. i čini dio ovog Pravilnika.

Član 23.

(Ispit iz upravljanja motornim vozilom A kategorije i A1 i B1 podkategorije)

- (1) Ispit iz upravljanja motornim vozilom A kategorije i A1 potkategorije polaže se na poligonu ili prostoru za koje je nadležni organ prethodno utvrdio ispunjenost uslova u pogledu bezbjednosti saobraćaja, na javnoj cesti u naselju i van naselja, uz obaveznu upotrebu prsluka reflektirajuće boje sa bijelim slovom „L“ u plavom polju i zakopčanu zaštitnu kacigu.
- (2) Minimalne dimenzije poligona odnosno način obilježavanja prostora na kome se polaže dio ispita iz upravljanja motornim vozilom A kategorije i A1 i B1 podkategorije, prikazani su na crtežima datim u Prilogu br. 8. i čini dio ovog Pravilnika.
- (1) Na poligonu ili prostoru koji je odredio nadležni organ u saradnji sa jedinicom lokalne samouprave kandidat na osnovu instrukcija ispitivača, koji izvršavanje radnji prati van vozila, izvodi sljedeće radnje:
 - a) polazak sa mjesta, održavanje pravca i ravnoteže u vožnji u drugom stepenu prijenosa na liniji dužine 35 m i širine 0,5 m i zaustavljanje ispred stop linije, zatim okretanje motocikla i vožnja na liniji u suprotnom smjeru.
 - b) polazak sa mjesta, održavanje pravca, ravnoteže i vožnja slalom u prostoru dužine 35 m i širine 2,5 m obilježen ili označen čunjevima u razmaku za 1,5 dužinu motocikla.
 - c) kretanje putanjom u obliku broja osam (8).
- (3) Kandidat ima pravo ponoviti radnje iz stava (2) ovog člana. U slučaju da kandidat prilikom ponavljanja ne izvede uspješno radnje iz stava (2) ovog člana, smatra se da kandidat nije položio ispit na poligonu ili prostoru za koje je nadležni organ prethodno utvrdio ispunjenost uslova u pogledu bezbjednosti saobraćaja, te ne može pristupiti polaganju ispita na javnoj cesti u naselju i van naselja.
- (4) Kandidata koji polaže ispit iz upravljanja motornim vozilom A kategorije i A1 i B1 podkategorije, na javnoj cesti u naselju i van naselja ispitivač prati drugim vozilom i izdaje uputstva pomoću uređaja za komunikaciju na daljinu.
- (5) Kandidat koji nije položio ispit iz upravljanja motornim vozilom na javnoj cesti u naselju i van naselja ponovo polaže samo taj dio ispita iz upravljanja motornim vozilom.

Član 24.

(Ispit iz upravljanja motornim vozilom kategorije/podkategorije B, C, D, B1, C1, D1, BE, C1E, CE, D1E, DE)

- (1) Ispit iz upravljanja motornim vozilom kategorije/podkategorije B, C, D, B1, C1, D1, BE, C1E, CE, D1E, DE, polaže se na javnoj cesti u naselju i van naselja.
- (2) Pređeni put prilikom provođenja ispita ne može biti kraći od 10 kilometara.
- (3) Ispit se odvija na osnovu usmenih uputstava ispitivača u skladu sa članom 20. stav (1) ovog pravilnika, po slobodnom izboru ispitivača na takav način da se može utvrditi da je kandidat stekao minimum znanja i vještina za sigurno i samostalno upravljanje motornim vozilom u saobraćaju.

Član 25.

(Postupanje u slučaju saobraćajne nezgode)

- (1) Ispit iz upravljanja motornim vozilom se prekida ukoliko se za vrijeme trajanja ispita iz upravljanja motornim vozilom dogodi saobraćajna nezgoda u kojoj je učestvovalo vozilo auto-škole u kojem se provodi ispit iz upravljanja motornim vozilom.
- (2) U slučaju iz stava (1) ovog člana, ispit iz upravljanja motornim vozilom se nastavlja u narednom terminu polaganja ispita iz upravljanja motornim vozilom, a u slučaju da kandidat ne pristup spitu u narednom terminu polaganja ispita, bez opravdanog razloga, smatra se da je kandidat odustao od polaganja ispita iz upravljanja motornim vozilom.

Član 26.

(Prigovori i žalbe)

- (1) Kandidat ima pravo prigovora na način ispitivanja i ponašanja ispitivača za vrijeme trajanja ispita iz upravljanja motornim vozilom, odmah po završetku ispita, što evidentira ispitivač u Zapisniku o polaganju ispita. Obrazloženje prigovora kandidat dostavlja putem sekretara komisije predsjedniku komisije u pisanoj formi u roku od 24 sata od završetka ispita iz upravljanja motornim vozilom.
- (2) Predsjednik komisije u roku od sedam dana odlučuje o prigovoru kandidata iz stava (1) ovog člana. Odluka predsjednika komisije je prilog Zapisnika iz stava (1) ovog člana.
- (3) Ukoliko nije zadovoljan odlukom iz stava (2) ovog člana kandidat ima pravo žalbe nadležnom organu u roku od osam dana. O podnošenju žalbe kandidat, putem sekretara komisije, obavještava predsjednika komisije.
- (4) Za vrijeme rješavanja po prigovoru iz stava (1) ovog člana i žalbe iz stava (3) ovog člana, kandidat nema pravo polaganja ispita.
- (5) U slučaju osnovanosti prigovora iz stava (1) ovog člana i žalbe iz stava (3) ovog člana, ispit iz upravljanja motornim vozilom provode dva ispitivača, a kandidat je oslobođen plaćanja nove naknade za polaganje ispita.

Član 27.

(Potrebni uvjet)

- (1) Nadležni organ organizira sprovođenje ispita iz prve pomoći i poznavanja propisa u odgovarajuće opremljenom učioničkom prostoru koji u pogledu materijalno tehničkih sredstava osigurava kvalitetno sprovođenje ispita iz prve pomoći i poznavanja propisa, u svakom ispitnom mjestu.
- (2) Ispiti iz stava (1) ovog člana ne mogu se sprovoditi u prostorijama autoškole ili organizacije koja u svom sastavu ima auto-školu.
- (3) Nadležni organ je dužan osigurati informatičku opremu i odgovarajući program koji omogućava povezivanje ispitnih mjesta i ispitnih centara u jedinstveni informacijski sistem.

Član 28.

(Ispitno mjesto)

- (1) Polaganje ispita iz upravljanja motornim vozilom obavlja se u mjestu koje ima:
 - a) ceste opremljene vertikalnom i horizontalnom signalizacijom,

- b) ceste sa uzdužnim usponom i nagibom,
 - c) raskrsnice cesta s prvenstvom prolaza,
 - d) raskrsnice cesta sa uređajima za davanje svjetlosnih signala-semafori,
 - e) raskrsnice cesta iste važnosti,
 - f) sistem raskrsnica sa dvosmjernim i jednosmjernim režimom saobraćaja,
 - g) poligon ili prostor na kome se polaže dio ispita iz upravljanja motornim vozilom.
- (2) Postojanje uvjeta iz stava (1) ovog člana utvrđuje nadležni organ.

Član 29.

(Vozilo za polaganje ispita iz upravljanja motornim vozilom)

- (1) Polaganje ispita iz upravljanja motornim vozilom obavlja se u vozilu autoškole koje je kao takvo odobreno za korištenje u procesu osposobljavanja kandidata za vozače od strane nadležnog organa.
- (2) Na ispitu iz upravljanja motornim vozilom kandidat može angažovati vozilo auto-škole, uključujući i instruktora vožnje, koja nije registrovana na području nadležnog organa gdje kandidat podnosi prijavu.
- (3) U slučaju iz stava (2) ovog člana nadležni organ je dužan po službenoj dužnosti da utvrdi da li je takvo vozilo odobreno za korištenje u procesu osposobljavanja kandidata za vozače od strane drugog nadležnog organa, kao i da li instruktor vožnje ispunjava uslove iz člana 21. stav (4) ovog Pravilnika.
- (4) Osobe sa invaliditetom mogu pristupiti polaganju ispita iz upravljanja motornim vozilom koje je specijalno prilagođeno njihovim tjelesnim nedostacima utvrđenim uvjerenjem o ljekarskoj sposobnosti, pod uvjetom da za vrijeme polaganja ispita iz upravljanja motornim vozilom koriste potrebna pomagala (naočare, proteze i dr.).
- (5) Ispunjenost uvjeta za vozila utvrđuje ispitivač prije početka ispita iz upravljanja motornim vozilom.

Član 30.

(Informacije od javnog značaja)

Nadležni organ javno objavljuje statističke podatke, kao i druge relevantne podatke od javnog značaja, o polaganju ispita, najmanje jednom godišnje, u skladu sa važećim propisima iz oblasti zaštite ličnih podataka.

Član 31.

(Vođenje evidencije)

- (1) Nadležni organ vodi Registar polaganja ispita na obrascu koji je dat u Prilogu br. 9. i čini dio ovog Pravilnika.
- (2) Registar se zaključuje na kraju svake kalendarske godine i čuva se kao dokument trajne vrijednosti.
- (3) Nadležni organ vodi dokumentaciju koja je nastala kroz evidenciju o kandidatu koja sadrži: prijavu za polaganje ispita, uvjerenje o zdravstvenoj sposobnosti za upravljanje motornim vozilom, potvrde o završenom osposobljavanju iz prve pomoći, poznavanja propisa i upravljanja motornim vozilom, zapisnik o polaganju ispita, testovne listove, uvjerenje o položenom ispitu, dokaze o plaćenim troškovima za polaganje ispita, i istu je dužan čuvati u periodu od pet godina.

Član 32.
(Zaštita ličnih podataka)

Nadležni organ dužan je osigurati da se svi lični podaci obrađuju u skladu sa važećim propisima o zaštiti ličnih podataka

Član 33
(Naknade)

Visinu naknade troškova za polaganje ispita utvrđuje nadležni organ posebnom odlukom i istu objavljuje na službenoj web stranici.

Član 34.
(Opći principi kontrole)

- (1) Nadzor nad sprovođenjem ovog Pravilnika sprovodi nadležni organ putem stručnog organa.
- (2) Prilikom nadzora utvrđuje se:
 - a) ispunjenost uvjeta za rad u pogledu prostorija i angažiranih članova Komisije,
 - b) vođenje evidencija,
 - c) sprovođenje ispita iz prve pomoći, ispita iz poznavanja propisa i ispita iz upravljanja motornim vozilom.

Član 35.
(Prilozi Pravilnika)

Obrasce koji su u prilogu i čine sastavni dio Pravilnika izdaje nadležni organ.

V. ZAVRŠNE ODREDBE

Član 36.
(Prestanak važenja)

Danom stupanja na snagu ovog Pravilnika prestaje primjena odredaba Pravilnika o načinu i uvjetima organiziranja ispita za vozača motornih vozila („Službeni glasnik BiH”, broj 46/12).

Član 37.
(Započeti ispiti)

Kandidati koji su podnijeli prijavu za polaganje ispita prema odredbama Pravilnika o načinu i uvjetima organiziranja ispita za vozača motornih vozila („Službeni glasnik BiH”, broj 46/12), završit će ispit prema odredbama propisa koji je bio na snazi u vrijeme podnošenja prijave.

Član 38.
(Prijelazne odredbe)

- (1) Nadležni organi su obavezni obezbijediti primjenu člana 9. ovog Pravilnika počev od 01.01.2022. godine.

- (2) Nadležni organi su obavezni obezbjediti polaganje ispita iz prve pomoći i poznavanja propisa putem računara u roku od godinu dana od stupanja na snagu ovog Pravilnika.
- (3) Nadležni organi su obavezni obezbjediti polaganje ispita iz upravljanja motornim vozilom u skladu sa odredbama ovog pravilnika u roku od šest mjeseci od stupanja na snagu ovog Pravilnika.

Član 39.
(Stupanje na snagu)

Ovaj Pravilnik stupa na snagu osam dana od dana objavljivanja u "Službenom glasniku BiH".

Broj:
Sarajevo, _____ 2021. godine

MINISTAR

_____ (nadležni organ obrazovanja)

PRIJAVA

Redni broj registra: _____

Za polaganje ispita za vozača motornog vozila iz:

- prve pomoći;
- poznavanja propisa;
- upravljanje motornim vozilom.

Molim da mi se odobri polaganje ispita. O sebi dajem slijedeće podatke:

1.	Ime i prezime	
2.	Ime jednog roditelja	
3.	Datum i mjesto rođenja	
4.	Državljanstvo	
5.	Zanimanje	
6.	Adresa stanovanja i kontakt telefon	
7.	Za koju kategoriju/potkategoriju polaže ispit	
8.	Auto-škola u kojoj je obavljeno osposobljavanje	
9.	Broj potvrde o završenom osposobljavanju iz poznavanja propisa	
10.	Broj potvrde o završenom osposobljavanju iz upravljanja motornim vozilom i vrsta prenosa (ručni/automatski)	
11.	Broj potvrde o dodatnom osposobljavanju iz upravljanja motornim vozilom	
12.	Crveni križ/krst koji je obavio osposobljavanje iz pružanja prve pomoći	
13.	Broj potvrde o završenom osposobljavanju iz pružanja prve pomoći	
14.	Naveći koji put kandidat izlazi na ispit (prvi, drugi...)	
15.	Autoškola koju će kandidat angažovati na ispitu iz upravljanja motornim vozilom	
16.	Posjeduje vozačku dozvolu za kategoriju/potkategoriju vozila, serijski broj i datum izdavanja	
17.	Uvjerenje o položenom vozačkom ispitu, broj i datum izdavanja	

Uz prijavu prilažem:

1. Kopiju važećeg identifikacionog dokumenta,
2. Uvjerenje o zdravstvenoj sposobnosti za upravljanje motornim vozilom,
3. Potvrdu o završenom osposobljavanju iz prve pomoći
4. Potvrdu o završenom osposobljavanju iz poznavanja propisa,
5. Potvrdu o završenom osposobljavanju iz upravljanja motornim vozilom,
6. Potvrdu o završenom osposobljavanju u slučaju da kandidat polaže na vozilu sa ručnim stepenom prenosa ukoliko posjeduje važeću vozačku dozvolu u kojoj je upisano ograničenje „automatski stepen prenosa“.
7. Dokaz o odobrenom boravku (samo za strane državljane).
8. Kopiju važeće vozačke dozvole za kategoriju/podkategoriju koju posjeduje ili uvjerenje o položenom ispitu za vozača motornih vozila za kategoriju/podkategoriju koju posjeduje.
9. Potvrdu o dodatnom osposobljavanju u skladu sa članom 22. stav (5) pravilnika.
10. Dokaz o plaćenim troškovima za polaganje ispita u skladu sa članom 7. stav (2) pravilnika.

Izjavljujem da mi od nadležnog organa nije izrečena mjera zabrane upravljanja motornim vozilom, za kategoriju/podkategoriju za koju mi je izdata vozačka dozvola.

Podnosilac prijave

Prilažem na uvid:

- _____
- _____
- _____

Izjavljujem da dopuštam nadležnom organu da lične podatke navedene u prijavi koristi u službene svrhe radi provjere tačnosti navedenih podataka i upotrebe istih u informacionom sistemu za polaganje ispita. Potpisom ove prijave dajem dopuštenje za izvođenje svih radnji u vezi sa obradom podataka u skladu sa Zakonom i ovim Pravilnikom, što obuhvata uvid, obradu, arhiviranje i kasniju upotrebu podataka u službene svrhe. Izjavljujem da su podaci istiniti, tačni i potpuni.

U _____
_____ godine.

Podnosilac prijave

Na osnovu prijave i priloženih dokumenata, odobrava se kandidatu _____
polaganje ispita _____

Polaganje ispita održat će se dana _____ godine u
ispitnom mjestu _____ sa početkom u _____
sati.

U _____
_____ godine.

Potpis ovlaštenog lica

SLUŽBENA ZABILJEŠKA

(nadležni organ obrazovanja)

PRIJAVA

Redni broj registra: _____

Za polaganje ispita za vozača motornog vozila iz:

- poznavanja propisa

Molim da mi se odobri polaganje ispita. O sebi dajem slijedeće podatke:

1.	Ime i prezime	
2.	Ime jednog roditelja	
3.	Datum i mjesto rođenja	
4.	Državljanstvo	
5.	Zanimanje	
6.	Adresa stanovanja i kontakt telefon	
7.	Za koju kategoriju/potkategoriju polaže ispit	
8.	Navesti koji put kandidat izlazi na ispit (prvi, drugi...)	
9.	Posjeduje važeću vozačku dozvolu za kategoriju/potkategoriju vozila, serijski broj i datum izdavanja	

Uz prijavu prilažem:

1. Kopiju važećeg identifikacionog dokumenta,
2. Kopiju rješenja kojim je određeno ponovno polaganje ispita iz poznavanja propisa,
3. Dokaz o plaćenim troškovima za polaganje ispita u skladu sa članom 7. stav (2) pravilnika.

Podnosilac prijave

Prilažem na uvid:

- _____
- _____
- _____

Izjavljujem da dopuštam nadležnom organu da lične podatke navedene u prijavi koristi u službene svrhe radi provjere tačnosti navedenih podataka i upotrebe istih u informacionom sistemu za polaganje ispita. Potpisom ove prijave dajem dopuštenje za izvođenje svih radnji u vezi sa obradom podataka u skladu sa Zakonom i ovim Pravilnikom, što obuhvata uvid, obradu, arhiviranje i kasniju upotrebu podataka u službene svrhe. Izjavljujem da su podaci istiniti, tačni i potpuni.

U _____
_____ godine.

Podnosilac prijave

Na osnovu prijave i priloženih dokumenata, odobrava se kandidatu _____
polaganje ispita _____

Polaganje ispita održat će se dana _____ godine u
ispitnom mjestu _____ sa početkom u _____
sati.

U _____
_____ godine.

Potpis ovlaštenog lica

SLUŽBENA ZABILJEŠKA

Redni broj registra: _____

**ZAPISNIK
O POLAGANJU ISPITA ZA VOZAČA MOTORNOG VOZILA**

Ime i prezime kandidata

.....

Dan, mjesec i godina polaganja ispita

.....

A) PROPISI O SIGURNOSTI SAOBRAĆAJA

Članovi komisije:

1. Ispitivač

2. Ispitivač

Broj testa, bodova, korišten novi testovni list

.....

Greške koje je kandidat napravio:

Kandidat je udaljen sa ispita:

- a) postupa suprotno kodeksu iz člana 10. ovog Pravilnika,
- b) oštećuje imovinu ili materijalna dobra,
- c) koristi udžbenik, bilješke nedopuštena tehnička sredstva,
- d) na drugi način ometa ispit iz prve pomoći i poznavanja propisa.

Ocjena

Potpis članova Komisije:

1. Ispitivač

2. Ispitivač

B) PROGRAM PRVE POMOĆI

Član komisije:

Ispitivač

Broj testa, bodova, korišten novi testovni

list.....

Greške koje je kandidat napravio:

Kandidat je udaljen sa ispita:

- a) postupa suprotno kodeksu iz člana 10. ovog Pravilnika,
- b) oštećuje imovinu ili materijalna dobra,
- c) koristi udžbenik, bilješke nedopuštena tehnička sredstva,
- d) na drugi način ometa ispit iz prve pomoći i poznavanja propisa.

Ocjena

Potpis člana Komisije:

Ispitivač

C) UPRAVLJANJE MOTORNIM VOZILOM

Član komisije:

Ispitivač

Kandidat je udaljen sa ispita:

- a) postupa suprotno kodeksu iz člana 10. ovog Pravilnika.

Kandidat podnio prigovor na način ispitivanja i ponašanja ispitivača za vrijeme trajanja ispita iz upravljanja motornim vozilom _____

Ocjena

Potpis člana Komisije:

Ispitivač

SLUŽBENA ZABILJEŠKA

OBRAZAC ZA OCJENJIVANJE UPRAVLJANJA*

Ispitno mjesto:, datum:.....

Kategorija/Podkategorija

Ime i prezime kandidata

Reg. br. vozila

Početak ispitasati, stanje km sata:

Završetak ispita sati, stanje km sata:

Kandidat se izjasnio da mu se greške saopštavaju: u toku ispita na kraju ispita

	Broj bodova	Evidentirano (označiti)	Ukupan broj bodova	Dodatni opis greške	Broj Evidentiranih greški (označiti)
PRIPREMA ZA VOZNJU					
1. Ne zna ili nepravilno vrši pregled prije upotrebe vozila	10				
2. Ne prilagođava sjedište vozača, naslon za glavu i ogledala	10				
3. Ne koristi sigurnosni pojas	100				
4. Ne uključuje ili nepravilno uključuje svjetla	30				
5. Ne zna ili nepravilno koristi opremu vozila	10				
6. Nepravilno postupa prilikom pokretanja motora	10				
7. Ne provjerava da li su zatvorena sva vrata na vozilu	10				
Samo za „C1“, „C“, „C1E“, „CE“, „D1“, „D“, „D1E“ i „DE“					
8. Ne zna ili ne vrši provjeru signalnih i kontrolnih uređaja	20				
9. Ne zna ili nepravilno popunjava i postavlja tahografski listić	30				
10. Ne zna ili nepravilno vrši prikopčavanje/otkopčavanje priključnog vozila	50				
11. Ne zna ili ne vrši provjeru količine i pritiska zraka u sistemu za kočenje	50				
UKLJUČIVANJE VOZILOM U PROMET					
12. Polazi sa mjesta trzanjem, motor se gasi	30				
13. Polazi sa uključenom ručnom kočnicom	30				
14. Vozilo se vraća unazad prilikom polaska	30				
15. Odugovlači trenutak uključjenja u promet, neodlučan	30				
VOZnja U PROMETU					
16. Ne prilagođava brzinu kretanja i nepropisno mijenja stepene prijenosa	20				
17. Zauzima nepravilan položaj vozilom u prometnoj traci	20				
18. Vozi lijevom stranom kolovoza u smjeru kretanja	100				
19. Prelazi preko ili se kreće po punoj uzdužnoj liniji	100				
20. Ne održava sigurnosni razmak vozila u koloni	30				

75. Neodlučan je ili rizičan kod izvođenja radnje preticanja	50													
76. Pri preticanju ili obilaženju čini nepravilnu putanju vozilom	50													
ODNOS KANDIDATA PREMA DRUGIM UČESNICIMA U PROMETU														
77. Ometa ili ugrožava kretanje ranjivih učesnika u saobraćaju	100													
78. Ne prati prometne situacije, ne reagira na greške drugih učesnika	100													
ODNOS INSTRUKTORA VOZNIJE I KANDIDATA ZA VRIJEME TRAJANJA ISPITA														
79. Instruktor pomaže kandidatu (verbalno, rukom, glavom, pokretom...)	100													
80. Instruktor reagira na opasnu radnju upotrebom komandi vozila	100													
81. Instruktor koristi mobilni telefon	100													
82. Kandidat ili instruktor ometaju provođenje ispita	100													
OSTALE GREŠKE														
88.														
89.														

***Za ocjenu jedne prometne situacije može se evidentirati samo jedna greška koja najviše odgovara opisu situacije.**

Broj bodova: _____

Potpis člana Komisije:

Ispitivač

(Organ nadležan za obrazovanje)

Broj: _____

Datum: _____

UVJERENJE
o položenom ispitu iz
poznavanja pružanja prve pomoći

_____ kandidat/kinja za vozača motornog
(Ime i prezime)
vozila kategorije/potkategorije _____ rođen/a __/__/20___. godine, sa
prebivalištem u _____, dana __/__/20___. godine je
položio/la ispit iz poznavanja pružanja prve pomoći.

Potpis odgovornog lica

M.P.

.....
Serijski broj UPP 00000001

(Organ nadležan za obrazovanje)

Broj: _____

Datum: _____

UVJERENJE
o položenom ispitu iz
poznavanja pružanja prve pomoći

_____ kandidat/kinja za vozača motornog
(Ime i prezime)
vozila kategorije/potkategorije _____ rođen/a __/__/20___. godine, sa
prebivalištem u _____, dana __/__/20___. godine je
položio/la ispit iz poznavanja pružanja prve pomoći.

Potpis odgovornog lica

M.P.

Serijski broj UBS 00000001

(Organ nadležan za obrazovanje)

Broj: _____

Datum: _____

UVJERENJE
o položenom ispitu iz
poznavanja propisa o sigurnosti saobraćaja na cestama

_____ kandidat/kinja za vozača motornog
(Ime i prezime)
vozila kategorije/potkategorije _____ rođen/a __/__/20___. godine, sa
prebivalištem u _____, dana __/__/20___. godine je
položio/la ispit iz poznavanja propisa o sigurnosti saobraćaja na cestama za
kategoriju/podkategoriju: _____.

Ovo uvjerenje važi godinu dana od dana izdavanja.

M.P.

Potpis odgovornog lica

Serijski broj UBS 00000001

UVJERENJE
o položenom ispitu iz
poznavanja propisa o sigurnosti saobraćaja na cestama


_____ kandidat/kinja za vozača motornog
(Ime i prezime)
vozila kategorije/potkategorije _____ rođen/a __/__/20___. godine, sa
prebivalištem u _____, dana __/__/20___. godine je
položio/la ispit iz poznavanja propisa o sigurnosti saobraćaja na cestama za
kategoriju/podkategoriju: _____.

Ovo uvjerenje važi godinu dana od dana izdavanja.

M.P.


Potpis odgovornog lica

POTVRDA O POLOŽENOM
ISPITU IZ POZNAVANJA PROPISA O SIGURNOSTI SAOBRAĆAJA
ZA VOZAČE MOPEDA, TRAKTORA, RADNIH MAŠINA I MOTOKULTIVATORA




Minimalne dimenzije poligona odnosno način obilježavanja prostora na kome se polaže dio ispita iz upravljanja motornim vozilom

a) vožnja unaprijed i unazad



b) slalom vožnja



c) kretanje putanjom u obliku broja 8

